

Forslag til endring i forskrift om forbod mot bonusprogram i innanriks luftfart

(Forslag til endring i forskriften § 1 fremgår av uthevet skrift.)

Forskrift om forbod mot bonusprogram i innanriks luftfart

Fastsett av Fornyings- og administrasjonsdepartementet 20. juni 2007 med heimel i lov 5. mars 2004 nr. 12 om konkurranse mellom foretak og kontroll med foretakssammenslutninger (konkurranseloven) § 14, jf. delegeringsvedtak 16. april 2004 nr. 631.

§ 1. *Forbod mot bonusprogram*

Det er forbode for flyselskap å tilby opptening som del av bonusprogram på ruter i innanriks luftfart. **Forbodet gjeld ikkje for rutene Oslo Lufthavn Gardermoen - Trondheim lufthavn Værnes, Oslo Lufthavn Gardermoen – Bergen lufthavn Flesland og Oslo Lufthavn Gardermoen – Stavanger lufthavn Sola.**

§ 2. *Definisjonar*

I denne forskrifta tyder:

- a) *Bonusprogram*: Ordning der flypassasjerar kan tene opp rett til gode gjennom å gjere reiser med eitt eller fleire flyselskap, med unntak av gode som vert gitt ved ein enkelt eller fleire samtidige reisebestillingar og som ikkje er avhengig av framtidig reisebestilling.
- b) *Gode*: Pengesum og einkvar type vare eller teneste, medrekna flyreiser, hotellovernatting, leigebil, auka servicenivå, tilgang til bestemte fasilitetar mv.
- c) *Innanriks luftfart*: Lufttransport av passasjerar mellom lufthamner i Noreg.
- d) *Rute*: Strekninga mellom to lufthamner.

§ 3. *Fullmakter*

Konkurransetilsynet kan fastsetje nærmare føresegner om gjennomføring og utfylling av forskrifta og kan gjere unntak frå denne.

§ 4. *Ikrafttreding*

Forskrifta trer i kraft 1. august 2007.